



Հաղորդից...

լուսանկար՝ Լ. ԱՐՄԵԼՅԱՆԻ

«Բռնագաղթվածները դահանջում են իրենց ռում վերադարձնել», ասում է Խորհրդարանի ժողովնախագահը

ՀԱՏՈՒԿ «ԱԶԳ»-Ի ՀԱՄԱՐ

Մայիսի 17-ից Գորիսի շրջանում են գտնվում Հայաստանի Գերագույն խորհրդի նախագահության և կառավարության ներկայացուցիչները: Երանց մեկնել էին Արցախի Հաղորդի շրջանից և Բերդաձորից տեղահանված և ժամանակավոր ճամբարներում հանգրվանած մեր հայրենակիցների հետ տարվող աշխատանքները կոորդինացնելու նպատակով: Մայիսի 20-ին Գորիսի շրջանից վերադարձավ Հայաստանի հանրապետության Գերագույն խորհրդի փոխնախագահ Բաբկեն Արաբջյանը: Երան խընդրեսից պատասխանել մի քանի հարցերի:

Հ.- Ինչպիսի՞ն է այսօր տեղահանվածների վիճակը:

Պ.- Այսօր տեղակայված են երկու ճամբար, մեկը՝ Խնձորեսկ գյուղի մոտակայքում, որի մեծամասնությունը կազմում են հաղորուցիչները, մյուսը՝ Տեղ գյուղի մոտ, ուր հանգրվանել են բերդաձորիցները: Առաջին օրերին անօթեան մնացած մարդիկ ստիպված տեղավորվել էին դաշտում, սակայն հիմա խփվել են վրաններ, մարդկանց տաք սնունդ է տրվում, գյուղացիներն էլ, իհարկե, մեծ օգնություն են ցույց տալիս երանց, կանանց և երեխաների մի մասին վերցրել են իրենց տները:

Այդ ճամբարները, ըստ էության, գաղթականների դասական ճամբարներ են:

Հայաստանի պատգամավորների հետ միասին այդ ճամբարներում էին գտնվում նախարարների խորհրդի նախագահի առաջին տեղակալ Գեորգ Վարդանյանը և տեղակալ Կտրիճ Սարգսյանը: Երանց կազմակերպչին մարդկանց անհրաժեշտ օգնություն ցույց տալու հետագա աշխատանքները: Մեքենաներով Երեւանից առաքվում են վրաններ, սննդամթերք, առաջին անհրաժեշտության այլ առարկաներ: Պետք է նշեմ, որ տեղահանվածների մեծամասնությունը պահանջում է իրենց անհապաղ տուն վերադարձնել, մարդիկ չեն կորցնում հույսը:

Հ.- Իսկ ինչպիսի՞ն է ԽՍՀՄ դեկավաթության կեցվածքը տեղահանվածներին իրենց բնակավայրերը վերադարձնելու վերաբերյալ:

Պ.- Ինչպես գիտեք, Հայաստանի իշխանությունները բազմիցս դիմել են ԽՍՀՄ քարոզարարության ղեկավարությանը տեղահանվածներին իրենց ցանկության մշտական բնակավայրերը վերադարձնելու պահանջով: ԽՍՀՄ անվտանգության խորհուրդը արդեն ընդունել է համապատասխան որոշում, համաձայն որի՝ մարդիկ պետք է վերադարձվեն իրենց բնակավայրերը, սակայն առ այսօր ԽՍՀՄ իշխանությունների կողմից այդ ուղղությամբ ոչ մի գործնական քայլ չի արվել: Ռա պատճառաբանվում է ադրբեջանական կողմի ներկայացրած, այսպես կոչված, դիմումներով՝ իբր տեղահանված բնակիչները կամուփին են լքել բնակավայրերը:

Իրականությունը, սակայն, այն է, որ ձեռքիս են այդ մարդկանց դիմումները, որոնցից պարզ երևում է, որ երանց ստիպված են եղել ստորագրել ադրբեջանցիների «հրամարած» դիմումները զենքի սպառնալիքի տակ, և որ «հոժարակամ» ստորագրություններ հավաքելն ուղեկցվել է բռնություններով ու դաժանություններով:

Ստեղծված իրավիճակում մենք առաջարկում ենք, որպեսզի ուղարկվի որեւէ շեղոց հանձնաժողով՝ լինեն դրանք որեւէ երրորդ հանրապետության պատգամավորներ, ԽՍՀՄ ժողպատգամավորներ, և հանդիպի այս մարդկանց հետ, տեղում պարզի երանց ցանկությունը: Երանց պահանջով իմ եւ ՀՀ Գերագույն խորհրդի մյուս պատգամավորների ստորագրությամբ տեղահանվածների անունից հեռագիր է ուղարկվել Մոսկվա:

Պետք է ասեմ, որ արդեն երեք օր է, ինչ Արցախում են գտնվում ԽՍՀՄ ներքին գործերի նախարարության, ՊԱԿ-ի, պաշտպանության նախարարության քարոզատիճան ներկայացուցիչները, որոնք, սակայն, առ այսօր ոչ մի հանդիպում չեն ունեցել ոչ բռնագաղթվածների հետ թե Գորիսում, թե Ստեփանակերտում, և ոչ էլ Հայաստանի իշխանությունների ներկայացուցիչների հետ:

Հ.- Չե՞ք կարծում արդյոք, թե տեղահանման կազմակերպիչները հույս ունեն, որ մարդիկ կհոգնեն անօթեան մնալուց և կհրաժարվեն վերադառնալ իրենց տները:

Պ.- Իհարկե, դա այդպես է:

Սակայն, այնուամենայնիվ մարդկանց ճշող մեծամասնությունն ուզում է անհապաղ տուն վերադառնալ: Կասկածից վեր է նաեւ, որ պետք է ստեղծվեն երաշխիքներ մարդկանց անվտանգությունն ապահովելու համար:

Հ.- Ըստ որոշ տեղեկությունների, մայիսի 20-ի լույս 21-ի գիշերը Հաղորդի շրջանում տեղի են ունեցել նոր տեղահանություններ: Ի՞նչ կասե՞ք այդ մասին:

Պ.- Նման տեղահանությունների մասին մենք տեղեկություններ չունենք, սակայն, պետք է նշեմ, որ շարունակվում են բնակչության նկատմամբ սպառնալիքներն ու ահաբեկչությունը: Պարզ է, որ նախորդ տեղահանությունների կազմակերպիչների նպատակը Հաղորդի շրջանի սահմանային մյուս գյուղերը եւս վերջնականապես հայաթափելն է: Այն բանում, որ այսօր վանգվածային տեղահանության փաստեր չկան, մեծ դեր խաղացին Հայաստանի իշխանությունների ձեռնարկած քայլերը, ժողովրդի միասնականությունը, ինչպես նաեւ աշխարհի առաջադեմ ուժերի Հայաստանի հետ համերաշխության և կենտրոնի պետական ահաբեկչության քաղաքականության դեմ բողոքի ելույթների ալիքը: